

倚

聲

初

集

倚聲初集卷七

武進鄒祇謨程邨

全選

新城王士禎阮亭

常州黃永艾菴叅閱

小令七

桃源憶故人

一名虞美人影
別揭練

又桃園憶故人 醉桃源

送春

葛一龍

落衫點點春應少。况是一些無了。那管惜花人老。枕上聞啼鳥。
入春未足眠春曉。爭說送行須早。門外綠波芳草。天遠孤帆。

小

清蒼中殊
覺澹遠

南樓雨暮

陳子龍

小樓極望連平楚。簾捲一帆南浦。試問晚風吹去。狼籍春何處。
相思此路無重數。畢竟天涯幾許。莫聽嬌鶯私語。怨盡梨花雨。

雨。
阮亭云連娟香艷此處
不得不讓大樽擅場

採桑

董斯張

一庭麥雨薺薇亞。穠綠描成新夏。蠶市今春來也。剛值閒園罷。
碧雲叢裏紅衫卸。錯認海棠花。謝剪得半筐歸舍。釵挂桑枝下。

賦虞美人影

谿岸

魏學濂

上流有女誰家者。浣得水香相惹。却是虞兮垓下。小照臨垓寫。

君王事業哀難卸。東去更無西也。結箇瀟湘竹社。同使波光

瀉

設想
甚奇

前題

菟瓶

卓人月

讓。他。姚。魏。黃。金。屋。土。室。暫。教。棲。宿。發。豔。朱。顏。新。簇。土。亦。明。于。玉。

可。憐。根。斷。難。重。續。賤。妾。聊。生。路。促。此。土。偏。能。修。福。曾。觀。芙。蓉。

肉

阮亭云尖刀
是珂月本色

前題

墨池

劉芳

幽魂未忍投江水。且向石頭斜視。悄見相思兩字。幾滴秋濤起。

儂。懷。本。是。憎。紅。紫。魔。得。墨。光。相。似。劉。項。未。嘗。讀。史。心。與。秦。灰。

灰

劉項原來不讀書。拈來輕合。此題子一珂月爾斐墨仙
各有十首刻意摹畫反損詞格各存其一以見文心不窮

之妙

美人插梅花

單恂

一枝玉螺香猶恪。漏得些些花信蚤。被雙鬟偷認。拘上金釵鬢。
額黃塗了。眉初暈。掀却蝦鬚低問。可又無端春近。翠羽啼新。
恨。
尊僧諸詞北窗蘭少加刻露而
令人興動處輒復弄姿無限

春寒

宋徵輿

錦衾夢斷霜天曉。窗外梅花香悄。斟酌春衣多少。却恨東風早。
空庭殘雪無人掃。不見傷心芳草。一線艷陽遲到。淚結紅冰老。

懷舊

碧湖飄蕩紅絲藕。秋斷不堪回首。忽憶橋西巷口。簾捲人垂手。
如今風景雖依舊。明月天河北斗。換却滿堤楊柳。夢落青青後。
幽蘭諸詞每在新聲中
仍留蘊藉故立格獨高

舟次瓜埠懷徐姬石蓮

陸亮輔

桃花碎影江如龍。隔斷相思一半。昨夜曾題紈扇。鏡裏花如面。
無邊春草江南怨。好夢被誰偷換。柳外黃鶯啼遍。又報看花晚。
寶枕垂雲選春
夢如何換得

贈金陵崔姬未鶯

杜濬

清歌妙舞翻多了。只着伊來心悄。一片柳情風裊。眉黛輕輕掃。
天人樣子佳人少。不是李端端小。百事偶然偏好。幾筆殘蘭。

稿。姬性好琴。知書通奕。工書蘭然。皆不甚屑。意天姿獨絕。澹然而已。

此在續花間集抄得中。多誤字。昨更于皇自訂。

遂覺字字瑩發。

阮亭云全副名士。

試香

賀裳

粧成無事娛清晝。翠鴨深埋紅獸。銀葉剪來微厚。半晌燒纔透。

孤雲一點穿窗瘦。簾外有人私喚入。戶笑探羅袖。小合拈香

鬪。

阮亭云。逼似太虛黃公。載酒圓詩話一編。論詩詞已入三昧。宜其自運之工如此。

寒食

魏學渠

平郊二月東風度。數點弄晴絲雨。陌上行人來去。總是傷心處。春光不到青楊樹。蔓草淒涼無語。杜宇聲中如訴。銀海茫茫路。

阮亭云。柳洲風雅極東南之美。實子領子存子更數公倡導之。

春愁

龔百藥

紅桃雨散東風起。濯濯青條如水。天別放春何地。只在鶯花裏。
花朝撲蝶誰家會。點點飛花輕墜。自有舊愁牽繫。不爲新憔悴。

悴

介眉爲詞從沉鍊得
自然故深雋無佻語

落梅

計敬

小樓昨夜風姨劣。揉碎一庭寒月。不管玉銷香折。開却雙雙蝶。
羅浮好夢從今歇。翠羽啾嘈如咽。此恨倩誰分說。帶雨吹橫。
缺。疎落梅有孤
峰峻壑之氣

金釵澗上

王士禛

金釵澗上人如玉。解唱春波新曲。畫扇船紗十幅。春水平。颿綠。

三三五五鴛鴦浴。觸忤閒愁春目戲。擲菱花相逐。又向花房

宿。

金釵澗在秦郵楊。維濱春波曲。

昔應子和。以燭炬短燒紅。

云桃花春水長。應沒浣花磯。

風雨落花紅兩岸。夕陽紅。

名三紅秀才。今阮亭有春水平駢綠菱裏江。南綠新婦磯頭烟水綠。不將更稱三綠耶。

冬懷

陳惟崧

如何這樣歸鴉快。滿院芭蕉都敗。小店酒旗凍壞。冷向仙塘賣。詩魂半墜霜溪外。漁火欠他愁債。自古淒涼一派。只有寒燈

解。

阮亭云冷吟瑟。瑟筆挾冬氣。

燭影搖紅

第一體

偶筆

董以寧

到得而今鬚眉已。逐簪笄嫁。應知孝弟力。田科却是東陵跽。

消受酒晨花夜。便遊俠。不將名借青蠅。休弔龍泉太阿。汝知我者。嬉笑怒罵。皆成好詞。阮亭云。想見辛幼安陳同父。一輩人詞品亦在後村龍洲二劉之間。

三字令

暮春

卓人月

花一片。不禁吹過。牆西。儂有意。願隨伊。緩風輕幽恨重。不能飛。臨寶鏡。換鴛眉。畫相思。身倦矣。拍披幃。夢常逢。醒又別。賺人啼。相思。阮亭云。前人詩一隻相思鳥名。思愁殺儂。畫相思甚妙。

思遠

陳世祥

衫袖怯。晚來風。到梧桐。初月碧。斷霞紅。雁兒癡。排甚字。礙長空。千種字。一函封。在書中。和雁說。爲奴通。但人歸。奴不負。謝伊。

功

留喝刺刺似
小兒女細語

春瘦

徐士俊

深院鎖。亂鶯啼。小紅肥。夢醒後。問香肌。恰無多。剛一捻。不勝衣。
花影外。夕陽低。倦魂迷。因甚恨。總難提。滿懷愁。都悶住。遠山
眉。
更增減一字不得
倒置一句不得

西地錦

同三五女伴道小名

董以寧

不合相攜圖草把。小名輕告隣娃。便說而今輸却。把小名爭叫。
萬一儂家輸了。寧可酬花鈔。怕他簾外。侍兒竊語。并檀郎知。

道

阮亭云可作
小名錄總序

兩溪梅令

賦得卧房堦下挿魚竿

董以寧

簾前綠水映雲屏。自盈盈。敲得銀針。獨向畫欄凭。粉郎歸未曾。
粉郎空有許多情。未分明。好似簾鉤。偏重帳鉤。輕魚鉤。只幾
分。
袁中郎云近時言情之真者惟銀紐絲最准此則化俗爲
雅與元美鳳凰橋下爭新攔打素掛枝佳句入宋詞不似
高季適唱月子彎彎也。阮亭辨韻敏確文友詞中如庚青
真文通用者多從逸去此首以其雋妙且僻調因存之雖姜
白石高竹屋集中亦偶見此
類然後學自不容濫觴也

太常引

紀夢

計南陽

青鬟如畫立娉婷。無語倚銀屏。幽恨隔重生。閒將舊事再叮嚀。

香羅半袖新。小樣此夜。晚風清。懊恨別離輕。杜鵑多夢不

分明。

阮亭云杜鵑多夢不分明也。索對句不得。

別思

王士禛

交飛玉剪羽。差池王孫烟草。菱門外。卽天涯。正水碧山青。去時

香銷金斗。奩孤玉鏡。懶自寫愁眉。莫遣箇人知。怕減却休文

帶圍。

玉剪燕名。未免有情。誰能遣此。○水碧金斗熨器。山青去時。可築一篇別歌。

柳稍青 一名柳稍春

咏螢

顧從敬

明月窗紗。夜涼如許。偷度西家。簾外星移。屋梁月墜。逗得些些。

玉階。悄憶年華。曾照箇際。橫顰斜長。信宮閒。摩訶池冷。光黯黯。

秋花

春望

陳子龍

繡嶺平川漢家故壘一抹蒼烟陌上香塵樓前紅燭依舊金鉤
十年夢斷嬋娟迴首處離愁萬千綠柳新蒲昏鴉春雁芳草
連天阮亭云繡嶺宮前樂遊原上不勝開元盛日之恩

春晴

歐陽鉉

春去楊花無情有思閒到窗紗暮雨急催峭寒輕透香肩慵加
小樓孤倚堪嗟亂峯處霧捲烟斜燕子飛來青梅如豆無奈

天涯

阮亭云
嫺雅

乍別

陳震生

雨滴重簷。蘭膏羞澁。人似湘烟燈邊翠。壓柳邊嘶馬。又是春天。
難忘碎語星前。弄春溫。枕臂留鈿。月墜雕欄。鴉催曉樹。珠袖
頻牽。

人似湘烟覺巫雲
映雨數見不鮮

重陽閨怨

程 靜

淚染綃霞登高試望。雲樹偏遮。路遠樓低。天寒人小雨。細風斜。
阿郎恁不思家。空冷落香奩。寶車絳袋。縫成珠符。裁就閒老
黃花。

阮亭云路遠樓低十二字
不減雨絲風片烟波畫船

春望

宋徵輿

楊柳梢青。東郊十里。歌盡流鶯。碧玉樓頭。綠紗窗裏。春睡初醒。
天涯自有人行。目斷處。長亭短亭。記得當時。香車寶馬。寒食

清明

阮亭云淮海
清真之間

柳

計善

畫閣平橋東風蕩漾綠漲紅消露拂章臺風高漢塞月曳隋橈

離亭猶記勞勞繫馬處愁攀翠條昨暮遷鶯今朝掠燕明日

吟蛸

分得
奇鑿

春望

錢穀

倚閣臨軒東風吹徹麥秀連天金爵臺高銅駝門冷殘照依然

尋思此日當年歌舞處朱橋畫船黃鳥啼晴海棠着雨無限

留連

阮亭云欲與黃門
繡帆平川爭價

咏眉

金長興

可○惜○張○郎○把○雙○蛾○畫○抹○却○清○揚○雨○後○春○山○梅○間○新○月○淡○寫○備○妝○
輕○風○半○掩○紗○牕○嫵○媚○處○春○心○暗○傷○說○與○雙○尖○莫○教○長○皺○辜○負○

韶光

起句善
翻舊意

極相思

賦得有約不來過夜半

鄒祇謨

小○樓○獨○對○雲○屏○鳳○脰○自○青○青○待○伊○來○也○溫○存○錦○瑟○排○待○銀○笙○
暗○笑○薄○情○真○箇○惜○全○不○聽○城○上○三○更○偏○教○看○盡○繡○窗○月○上○花○影○

分明

鳳脰
燈也
阮亭云善
寫柔情

陽臺夢

護花

蔣階

拈香欄上金鈴小。飛花片片催春老。惜春侍女護花忙。不將眉黛掃。階前殘露滑。細步怕沾芳草。薔薇髻髮笑聲低。驚起雙棲鳥。

春暮

周積賢

玉釵頭上東風小。輕輕燕影雙雙掉。笑携明月暈新眉。兩重青嶂曉。沉香關塞遠。又是子規來了一聲春思入琵琶。變作江南調。

正江州司馬青衫欲濕時也

醉鄉春

折花送隣女

鄒祗謨

春色深深深。深護隔着銀牆微露紅杏。剛到隣家寄語隣娃。休妬

有芳不集
卷一
疊就雙魚紙。素中有惜花新賦。教收拾、小花籃、黃蜂伶俐。隨香渡。

應天長 第一體 又三體多一字

卽事

張天湜

畫堂酒散迴廊立。幾點疎星清露濕。纖手執輕言密。醒後尋思難記憶。細香衣暗襲。小月照人南北。冷落金徽在側。彈來聲又泄。艷逸不流凡調。

閨人刺繡

王士禛

餞春時節深深院。睡起金衣花外轉。繡床輕素絲軟。一幅吳綾秋水面。麝烟微螺黛淺。衣上唾絨紅。濺花落日長人倦。偏髻。

拖殘線

閨人瑣事得有
心人一眼顧着

惜分飛 第二體

睡起

吳鼎芳

紅界枕痕微褪玉。喚起自禁幽獨。好鳥啼春足。歸期不准花鬢。
卜。盡日眉峰雙凝綠。十二繡簾低軸。人在欄杆曲。楊花却美。
無拘束。
阮亭云首句似枕
痕一線紅生玉

新柳

陳子龍

池上輕陰鶯暗度。啼破淡黃烟霧。一種愁難訴。不禁着意東風處。
處。千縷青青半吐。染就滿溪花露。多是三春誤。常教斷送。
行人路。
不禁着意東風處
直欲奪步安之席

前題

宋徵輿

堤上長條烟雨共，染就新黃輕重知是誰人種。但憑昨夜東風動，明月任他長笛弄。青眼將人斷送，莫憶章臺籠小鶯啼醒。

前春夢

啼時驚妾夢，更得一妙諦。

程邨感事作惜分飛詞五十闋爲殿一章

王士禛

生小盧家堂裏住，解誦班姬搗素花底。曾相遇，兩情脉脉銀灣渡。九十春光花滿樹，狼藉宵來錦雨。欲問相思路，伯勞飛燕。

東西去

錦雨連雨也，見五色線。

僕惜分飛詞四十餘闋，乃十五年前所作。正樂天夢遊春詩所謂壯年徒自棄。

佳會應難復，也得阮亭作不覺感於空花焦穀之賦矣。

本意

庚寅夏作

鄒祗謨

人去珠簾花影動。依舊南樓月湧。人日春寒重。氍毹曾向猊爐
擁。翻被鮑娘春信哄。望蜀何如得隴。沒分香篝寵。兩邊鋤斷
鴛鴦塚。

紫玉化烟千萬縷。變作寒窗舊雨。鈴閣經相聚。數年叨做居停
主。却怪淨持原老嫗。生得霍王小女。一點心相許。子姑此畔
偷眉語。

子姑見東坡集

阮亭云霍王小女引喻極切但程邈不似十三郎如何

斑管蓉箋偏楚楚。堪羨香齋繡簿。獨自翻花譜。羅衣私學男兒
舞。曾記樗蒲花下賭。邀得卿家薄怒。憐子心頭苦。檀郎罪案
臨風數。

雲母屏前紅淚灑。繡帕銀環自解。締約經三載。紫鴉橋畔曾相待。花草他鄉應有在。權囑何郎莫採。一晌春風罷。落紅滿地深如海。

憶昔卿來於我館。議作吹簫佳伴。重訂香幃款。數行約法拈銀管。傳語謂郎姑且緩。十五盈盈未滿。誰料朱繩短。相如鹵莽原無筭。

竹葉同傾飛鵲酸。低覩玉兒青眼。細辨爲儂綰。剩將寸髮調伊嬾。蕩子天涯歸未晚。輕把同心解散。長恨疑荒誕。自編小傳。

鄒郎撰。

阮亭云其年所謂榴箋幾幅濃寫相思也

再浴女蠶難作繭。舊日鴛鴦結卷。春風鶯暗轉。畫樓此夜晶簾。

捲半面相逢重。覩覩辜負芳心。繾綣恨被黃蜂。踐情絲應付并州剪。

阮亭云情絲并剪何處得來

翠憶流蘇聲細悄。義甲冰絃嫋嫋。門外蕭郎擾鶴簪。驚向犀奩掉。金鴨爐中香篆裊。翠盎文魚長遶。聽說相思鳥。紅潮兩點。

檀痕小

阮亭云輕紅簾幕微有人聲

畫梅寫字都閒雅。更善彈碁打馬。憶去年初夏。妮他細語茶蘼下。浪卜瓣香雙鳳瓦。誰信金錢盡假。風雪偏瀟灑。林逋不遇梅花寡。

三百籤文親自寫。恨被隣娃相惹。莫把紅綾扯。簪花學得夫人者。年季待闕鴛鴦社。多半前生誤也。事急相隨且。昏黃繡佛。

持般若

若上聲

阮亭云碎事堪入香眉佳話

河滿數聲催阿沈。拚向蟬窗痛飲。分別思香寢。並頭閒看紅粧。

枕。低訴幾番聲。尚噤。郎欲歸時寒甚。門外珠霜凜。衣郎半臂。

葡萄錦

永去聲思香寢見說邪

阮亭云鄭愚消得錦半臂

執手榴屏權雪涕。此後更休相棄。鴻便須頻寄。延平再合君牢

記

短後征衫驅北薊。指望玳瑁春第。不道蘆江吏伯勞飛燕。

卿夫塔

春夢闌珊愁老大。惟有相思厮耐。一點青山黛。留伊絳炬心休

壞。斗酒長將他頂戴。博得些些盼睐。落下情仇。派五年還却。

三生債

厮入聲

蝴蝶帳邊曾作伴。不料朱繩折斷。斜靠屏風畔。歛歛執手重相看。荆釵自執。樵青幾時向。伯鸞相喚。留下風情半。剩與做後來公案。

疊得蓉箋書幾辦。喚住人人去。雁聊慰伊家。盼花髻亂挽。聞長

歎。細語蟬簾。今不辦。籠裏雪衣分散。莫慰加餐飯。半生愁裏

逍遙慣。

人人

阮亭云更有曩括來東云九曲腸應碎此心豈雁字收爲郎諱又題起三秋恨孤舟斷纜儘多分楚

楚切切真腸斷蕭娘一紙書也

分手柴扉陳數願。一願郎心不變。二願娘身健。今生爲妾圖方

便。三願雙環常褰絹。四願重投鳳釧。五願頻相見。香車再到

迴心院。

阮亭云如大珠小珠錯落玉盤○又云安能向青溪乞如願耶

芍藥仍開花步障。小閣春愁一晌潛。入葡萄帳床頭私致聲。無恙。歲歲青陵臺畔望。人在藤蘿曲巷。再到添惆悵。夕陽芳草開相向。

畢竟書生真薄命。還是佳人薄倖。待把山盟訂。海棠單受梅花聘。辛苦相携酬玉鏡。漫把雙環投贈。芳訊親教證。近來小玉

聞多病。

阮亭云
韻案妙

一朵花鈴紅豈蔻。聞道玉人消瘦。銅輿重邂逅。約來歲放燈時候。望郎不見將郎咒。細摺銀泥小袖。輕向崔娘嗽。蕭郎補過難依舊。

阮亭云發乎情止乎禮義
不使元十一郎輩藉口

紫雪脂香光灑灑。名繡紅絲作驗。銀筯垂垂。醞不堪回首。將伊

念楊柳章臺愁作塹。心比蘭膏更媚。應是前生欠不平。莫按

神于劍。

阮亭云名士悅傾城。由來佳話才人嫁。厮養自昔同。憐程邈惜分飛。詞凡四十餘閨。無不纏綿斷絕動魄。

驚心事。既必傳人。斯不朽。正使續新詠于玉臺。不必貯阿嬌于金屋也。今錄其最合作者二十首。如右。俾方來覽觀者。雖復太上忘情。亦未免我見猶憐之嘆爾。○序畧云。僕本恨人。偶逢嬌女。斯人也。四姓良家。三吳雅質。霍王小女。母號淨持。衛氏少兒。父名鄭季清。風細雨無。不訝爲針神。綺月流雲。咸共欽其墨妙。目成紫姑。凡昨嬌小。未請眉語。朱鳥窗。前慧癡。時半畫堂。邂逅禮猶待。以家人綺閣笑。嗚心直。矜爲鄉里樂。府擬合歡之曲。粧臺鮮累德之辭。心旣悅。君身請爲安珠樓。所以設館江汜。于焉待年。又云。漢渚在前。間投雜珮。明河不遠。特泛輕槎。巷種蘿蕪。邀郎傅粉。門迎楊柳。喚婢垂簾。犀塵將催。願脫守宮之誌。錯刀雖贈。空虛貯屋之期。末云。邯鄲才人終歸。厮養左徒。弟子空賦。閒情猶復遠寄。鴻緘微求。故刺近尋。鶴會急索。亡替根。輕委于庸奴。恨妄投于老嫗。溝中紅紫。好謝慙慙。塘上青蒲。忍教訣絕。文友評云。以驚才絕艷之筆。寫千古傷心之事。固文人之絕調。亦怨客之愁吟。斯言誠當矣。

答索鏡

長伴犀梳光欲暝。片片碧池應冷。無語看金井。瀟湘映出芙蓉景。一點秋波能作鏡。莫向隣娃相並。寄與紅樓省。等閒藏却孤鸞影。

阮亭云一點秋波能作鏡造語奇雋

憶漢月 一名望漢月

調羹

趙進美

入眼繁花如繡池。院綠陰清。畫松聲寶鼎。試湯初色。亂銀匙纖手。火融香漸透。便錦帶。萼絲如否。倩郎權作小姑嘗。欲語又仍低首。

善作詞者多從詩句中脫出。或正用。或反用。或借用。或影用。王建新嫁娘詞如此。翻借慧心巧舌。何必冥

搜僻

索也

箭打亂潮。柔勝鴉。翻古渡。青旗春江。玉雪鑒鬚眉。俊眼相看似。
此長劍錦驄。香夢寶釵鈿瑟。男兒人言無淚。灑離時。不稱英雄。
淚耳。

阮亭云。合肥公風流文采。照映一時。如此小小結撰。豈非床頭捉刀本色。

廣陵寄憶用史邦卿閨思韻

別怨暗移青鏡。春愁倦聽紅牙。揚州燈火絳樓紗。不似石頭城。
下。伴我郵亭孤月。負他寒食梨花。沒來由事誤天涯。玉笛當
風。此夜。

褒奇婉佚
通似梅溪

梅花

李雯

素手深知花重。羅幃更奈香寒。玉笙吹徹暮憑欄。消得春風一
半。淡月黃昏。常待清霜曉夢。無端水晶簾外影相看。不被紅

雲遮斷

阮亭云妙句。來疎影橫斜。聯平席。

秋興

程 辭

盡日荷鋤治圃。有時捉杖尋泉。山翁招我坐橋邊。笑指菊花開遍。隔岸重重竹樹。近溪點點潭烟。灘頭流下小漁船。轉過蘆花不見。偶然佳句。不容捉摸。

九日

孫自式

身世飄飄落葉生。生涯泛泛孤舟客。心未冷。已成秋。況是淒涼重九。何處砧聲村曲。誰家笛響樓頭。十千沽酒欲消愁。不奈愁多於酒。淺語耳。味之轉深。

醉醒

陳世祥

惆悵夢魂何處。心烟一縷孤行。伴人幽月到疎櫺。照被夢魂清。
冷。醉也從教便醉醒。來依舊還醒。枕邊詩句阿誰聽。月送海
棠花影。

題懸真子浮家泛宅圖和韻

曹爾堪

有客漁焉終老。惟君賜者爲家。釣竿茶竈隔船紗。攜去隨潮上
下。水口紅桃流散。山前白鷺飛斜。風波惡處舞神鴉。笑捲青
簑歸罷。

阮亭云如昔人作
潮川圖可以愈疾

雨發梁谿將過吳門

黃永

解纜依然細雨放舟。且任輕風風烟兩岸不玲瓏。人倚湘簾欲
控。昨夜錦衾角枕。今宵野渡疎鐘。明朝何處逐飛蓬。月落寒

山無夢

孤蓬夜雨
誦此黯然

泊虎丘

計南陽

燕子樓邊水淺。流鶯枝上花殘。碧臺青塚影珊珊。最是馬驕人。

傾。絳樹一聲風細。紅綃半臂香寒。銀牀玉綆幾時閒。數點青

山日晚

阮亭云玉鞭雲外之詞江上
舉青之句遂欲兼而有之

落葉

桂子香殘綠髮。茱萸霜冷紅綃。碧紗彈破雨蕭蕭。烏鵲亂啼清

曉。驚起五更幽夢。送他幾點寒潮。相思吹散廣陵橋。一夜西

風古道

如聞涼風織手之歌○阮亭云僕暑時作落葉詩數
篇頗為先輩所賞有句云亡其寒江湖上下况逢新

雁影參差又云年年搖落吳江路忍向鮑娘波間板

橋忽忽十餘年往矣附見于此以誌金城之感

懷黃山東園

王士禎

夢想天都黃海。吾廬亦枕黃山。半天高柳水潺潺。門跨飛梁絕。

澗。林下棋逢橘叟。磯頭釣共漁蠻。烟消月出鶴飛還。人在畫。

溪東岸。

黃山兎柴在濟南府鄒平縣城東南里許。畫其昌有兎柴記。○巴邛人剖橘中有二叟鬚鬢皓然。象戲自若。曰。

橘中之樂不減。

讀徐巨源山居秋光二賦。愛其清雄曠逸。

商山見幽怪錄。

尋繹不置。今讀阮亭此詞。冷冷淒淒。便覺。

徐賦。

爲煩。

詠史

漢武史稱大畧。隴西家世名流。次公已作岸頭侯。飛將數奇不。

偶。昔日人奴管罵。長安甲第雲浮。龍鱗鶴尾鐵兜鍪。笑謂鉗。

徒有口。

足爲猿臂公生色。○阮亭常稱易安幼安二安俱濟南人。各擅詞家之勝。阮亭曩已和漱玉。今復做稼軒。

千古風流遂欲

一時將去耶

魯仲連陂懷古題祠壁

少慕魯連高節。居然倣儼權奇。卽卽指顧解秦圍。一笑千金脫

屣。千古清風蘭雪。一竿烟水荒陂。我來髣髴見雲旗。獨立長

留天地。李太白詠魯連詩獨立天地間清風洒蘭雪朱辛幼安詞有雄深雅健不

可移贊幼安今倣儼權奇

四字余欲以移贊此詞

吳中懷古本意

一片西江雲月。千年常照梧宮。越來谿畔酒城東。往事淒涼如

夢。轉盼五湖代長。當年三策偏工。怒潮白馬哭英雄。穿腸猶

持文種。語云梧宮秋吳王愁○吳越春秋伍子胥從海上穿山

脇而持種去與之俱浮于海故前潮水漲候者伍子胥

也後重水者如見素車白馬
大夫種也銀濤澎湃時

山上吟

董以寧

千葉寒雲護者一縞流水環之亂山橫處亦堪詩索向天涯遊
子古廟謁來曾記板橋望處偏迷瘦驢到處葛巾欹一幅倪
迂畫裏即使雲林擅染亦當無此細潤

宮詞

李燧

倏倏影娥浮玉熒熒火鳳啣珠猩紅一抹展瓊瑜人在掌中輕
舞下直曉鐘初送歸來殘月相扶回頭彷彿聽人呼錯應簷
前鷓鴣似王仲初警語善道官人意中事

留春令 第一體

浣手繡觀音

董以寧

蘭湯浴手。窗前先就紅蓮嬌片。須記他原少。凌波。休錯配鴛鴦。
線。繡着金身。須半面似向儂青眼。春筍纖纖。近慈雲。疑紫竹
林中現。凌波。波也。

前題

鄒祗謨

昨宵曾夢慈悲天。買將絲繡。把筆先描出莊嚴。敢掩着銀泥
袖。早晚香雲應膩手。向珠泉頻漱。一束楊枝在瑤瓶。且安放
鸚哥右。
阮亭云。臨邑那慈淨子。愿先生之妹。善畫觀音大士。莊嚴妙麗。用筆如玉。臺賦長春。日游絲讀。鄒董二詞。見之。

燕歸梁 第一體

吳水部園亭觀演燕子箋劇時玉蘭盛開

王士禎

海燕紅襟語畫梁。似惜韶光紅牙一曲舞山香。辛夷花落銀床。
良媒却借烏衣燕。曲江往事堪傷。人間何限鬱金堂。憑遠恨
與卿將。人間三句推說遠妙
秦黃得意處在此

答文友見寄韻時寓荆溪

鄒祇謨

兩載飄零作浪遊。到處金舟蝶魂原不爲花留。推夢去。又重收。
紅樓翠館子無福。拚他莫莫休休。人愁不肯我言愁。天封我。

醉鄉矣。

阮亭云嘯
歌自得

茶瓶兒

小鬟茶話

鄒祇謨

水味中冷第一。喚雙鬟點來新葉。正盤眼魚針初歇。攪入蘭花清色。小鬟怯擎杯。溢銀瓶作汲。阿郎到底相如渴。應罰做王郎水厄。

阮亭云善戲謔
今正復可念

雙調荷葉杯

多情

陳世祥

自是多情難得端。邂逅繡屏前。一曲相思字字圓。昨夢是雙鴛。不住將人低誦珍重。但願鎮相隨。書窗安鏡畫修眉。從此不孤飛。

如珠簾鵲
聲容可愛

倚聲初集卷八

武進鄒祇謨程邨

全選

新城王士禎阮亭

常州錢 琯紫曜叅閱

小令八

偷聲木蘭花

客中

陳世祥

春陰拘束花魂瘦。又是鳴鳩終日咒。開了烏簾。借月賒風夢裏。

曾客愁如夢和床繞。客夜偏長長不了。待得更殘。依舊深陰。

做曉寒。

春暉澹齋一做
字曲增情狀

小令

春情寄白下故人

王士禛

綠楊陰裏秋千索。乳燕學飛池上閣。水漲銀塘。落絮浮萍又夕陽。方山亭下江南路。盡染殘波從此去。十四樓空。萬葉千花淚眼中。

絕世丰標銷魂刻骨之語

修書

董以寧

雲母新箋香粉褪。題來險韻多安頓。寄與郎家好。囑賓鴻新付他。釘封書樣成蝴蝶。小篆模糊難認得。指染紅雲絨。記須看螺印紋。文友小詞勿指一事咏之。率皆前人未發。乃知玉臺繡閣自有形容不盡處。

春閨

錢理

嬌鶯侵夢人慵起。小院春光過半矣。六幅瀟湘頓覺新來繡帶

長。絲絲暮雨愁相續。一樹梨花寒瘦玉。門掩黃昏。絳萼挑殘。
更斷魂。
東山寓聲中
佳語如是

滿宮花

戲題吳蓋仙花卉便面

王士禎

漢宮春。湘竹扇。寫出一痕清怨。輕紈半幅。不禁秋幾點。墨花輕
茜。憶燃脂。思捧硯。餘響猶聞金釧。武陵倘許。問津來。可似漁
郎花片。
蓋仙繪事雅倩。與文俱周。稱齊名。更得阮亭寫生。
便覺輕綃捧硯。小玉看題。靈心慧性。呼之或出。

春繡

宋泰淵

清晝長。深院杳。寂寞畫屏香裊。紗窗閒繡。歛修蛾。銀剪玉葱聲
悄。燕飛忙。鶯語巧。斜倚腰肢春小。臨風欲刺。並頭花。不覺金

針拈倒。

阮亭云亦看
朱成碧之意

少年遊 第一體

贈儀真張姬七卿 用仄韻

范文光

弱柳腰肢雛燕性。未解傳芳信。莫道無情。正爲情多。翻作愁和恨。酒闌攜手穿花徑。忍心成薄倖。七夕難逢。一枕孤舟夢。比銀河近。
乘舟問津
是遠是近

春情

陳子龍

滿庭清露浸花明。攜手月中行。玉枕寒深。冰綃香淺。無計與多情。奈他先灑離時淚。禁得夢難成。半晌歡娛。幾分憔悴。重疊到三更。
詞不極情者未能臻妙如
此朦朧宕折應稱獨絕

美人剖菱

趙進美

紅衣初褪小銀尖。玉甲笑輕拈。翡翠盤寒，水晶聲脆，一捻粉香。
添背郎愛倚微風立。水屑綉裙霑。酒暈旋消，蔗漿重進，花外
透涼蟾。

剖菱得如許佳句致堯手香江橘嫩齒軟越梅酸子
湖羅帕分柑霜落齒冰盤剝芡珠盈掬俱當避席

代女郎送客

李雯

殘霞微抹帶青山。舟近小溪灣。兩岸蘆乾，一天雁小，分手覺新
寒。今宵霜月照燈闌。人是暮愁難。半枕行雲，送君歸去，好夢
憶江南。

阮亭云驚心動魄咄咄
周秦舍人固是不凡

冬暮

綠窗烟黛鎖梅梢。落日近橫橋。玉笛纔聞，碧霞初斷，贏得水沉

銷。口脂試了櫻桃潤。餘暈入顰綃。七曲屏風。幾重簾幙。人靜。

畫樓高。

為是景語
為是情語

秋砧

李長苞

戍樓急鼓。少人行。高樹掛殘星。夏鳥初啼。竹燈深處。寒杵兩三

聲。征衣頻記霜華冷。心急剪刀輕。萬里黃河。一行銀雁。同做

許多情。

阮亭云唐人問怨
邊詞佳處爾爾

憶花卿

程靜

自從花裏見溫柔。放不下心頭。點點弓鞋。些些翠袖。安頓許多

羞。猶憐未解傷春意。怎忍寄春愁。裙帶香濃。被池雲重。乍可

學風流。

被池被之心如池左
大冲詩衣被皆重池

遊俠

毛羽宸

劍痕一抹與心平。不忿共人生。醉後撚鬚。醒來指髮。眨眼亂流
星。半聲然諾。鵲裘輕長笑。冷如冰。射虎山頭。探蛟穴底。相對
不聞腥。
阮亭云。殺人如草不聞聲。後百年復得此奇句。

春恨

徐允貞

一塔新草碧。痕輕紫。幔怯風清。膏殘枕冷。爲誰銷滅。空自托素
華。幾回夢裏尋芳。訊花底。憶生平。半醒梨雲。朱欄靜悄。獨聽
畫眉聲。
阮亭云。此雲間麗則處慧。眼能辨。必不爲頑艷所潤。

初秋

王臣蓋

藤花浥露月穿棚。促坐聽蛩鳴。粉澤初消。金璫盡卸。團扇小風

輕。星橫銀漢光如浸。天上報三更。滿檻荷香。一庭萱影好夢
半分明。
韶雅

別金陵女郎

盧元昌

金樽昨夜短燈前。相對影。用。用。蔦地秋風催人腸斷。逼上別離
天。勞勞亭北整歸鞭。回首恨綿綿。半嶺巫雲。一江白雁。香夢
幾時圓。
覽之令人增
別離之感

少年遊 第二體

翻書

趙進美

檀藥修竹。蕙蕤小徑。屏影落紅塘。湘帙初開。綠光如雪。纖指粉
痕香。
綠鬟並。鞞金蟬重。細語映鴉黃。檀點新詞。線縈奇字。佳

處兩三行

阮亭云瑱細香備
似南部烟花錄

閨情

賀裳

繡罷芙蓉私拋繡帖。池畔看鴛鴦。花下逢人。忙趨曲徑。不顧濕
鞋帮。歸來惟恐相撩問。獨自掩紅窗。坐定芳牕。縷金小蝶。兀
自顫釵梁。

阮亭云似釵梁小燕雙
雙頭春自玉人頭上來

遊述

黃永

記得中秋畫橋酒散。殘月送扁舟。十日紅樓。兼旬蕭寺。又見月
如鉤。歸來却是登高日。細雨滴寒洲。霜老茱萸。風清桂子。空
望碧山頭。

沈利是艾
菴本色

雪夜

孫元鑑

紅袖半遮雕欄。全失暮景太分明。黃竹歌殘。玉梨香透。羌笛一聲聲。
原來看盡西風力。還似梨花輕。寶枕生寒。薰籠微暖。冷處且關情。
原來看盡二語便覺二月春風似剪刀太覺費力○阮亭云似片玉詞

答索粉

鄒祇謨

蛾黃淡掃。輕添螺黛。雨濕海棠嬌。知儂別後。香奩用盡。小暈露紅潮。
雙眉闌盡。青山小。和恨不成描。待儂歸後。何郎餘粉。着意代卿消。
阮亭云京尹畫眉無此款肥

隣舟

小步方停。香車先去。隣舫北前增。欲問還疑。凝思細聽。簾內理銀箏。
箏聲似寫離鴻怨。一樣妾平生。遮莫風流紅鞭公子。故

意賺儂情

阮亭云極妍盡態殆非寓言

瑤池燕

閒簾引燕

董以寧

當年曾借昭陽殿。燕燕移家新到珠院。雙雙見。蕙花半箭。啣來

健。如雙雙。畫閣穿過。將簾掩。雌雄暫教。違面心休蹇。三生今

欠。須方便。

此等詞最難裁剪。爰貼存二首。以見少時狡獪伎倆。阮亭云鄒董以奇麗角勝。在詞苑中亦如沈

宋比明池應制未易軒輊

前題

鄒祇謨

花絲清艷。榆錢賤。燕燕近來雙羽差健。玉人見。舊年紅線。犀簾
掩。寫蓉箋。提起重念。無多件。煩伊作箇鴻便。郎如面。回音若

欠。郎。心。變。

阮亭云此調本古琴曲斯製亦是琴聲

思越人

步鹿虔哀韻

張杞

玉簫吹。瑤瑟怨。花濃檻外香迢。渴筆兩書行。又發幾多淚點難銷。楊花帳撲春雲亂。黃昏和夢吹散。明滅曉星天外見。春山兩點愁斷。

阮亭云楊花句止易長吉一字是下句似勝本詩

廣陵城樓懷西泠諸友

宗元鼎

登層城。俯高閣。江南烟草黃昏。二十四橋明月在。倚欄誰不消魂。孤山放鶴人何處。柳花歷亂飛絮。水調淒涼。清夜起。春鴻那肯南去。

將二十四橋憶六橋自有一種深情。○阮亭云此等是秦張輩正法服。

高軒過

董以寧

避車塵。調蟋蟀。廿稱閉戶先生。多事乘軒。還過訪方知人重功。
名。黃金不與儂。願認原是床頭米。冷何物誤人田二頃。散與
酒徒。須盡。

阮亭云。薌林
放翁之問。

思遠人

本意和宋晏小山韻

鄒祗謨

雁字魚函渾未寄。腸斷遼西客。金鞭微響。玉駟空閑。聽馬蹄得
得。雨聲偏向芭蕉滴。把淚珠和墨。學寄書。崔徽添些紅暈。怕
黛朱無色。

阮亭云。暗用新嘉
驛詩語。新倩欲絕。

河傳 第一體

香閨

黃 霏

檀郎無事。惱妾帷中。鈎簾屏裏。藍箋戲寫。支開小婢。顛倒鴛鴦。
字。箋兒細疊。猩紅記君休矣。小鳳樓前意。怕翠幙深深地。有
個人兒至。
猶記十五年前。筆墨狼藉。在玉曾有月。芳箋余亦
有笑。蘭草正賜肥。願滿時所爲也。今在玉已成異
物。拈之。不
覺慨然。

小閣留春

鄒祗謨

一杯酌汝。春色何處。藥欄深處。海棠沈睡。紫烟紅雨。和夢將伊
去。鳥啼偏攪。香衾侶。無情緒。魂共春絲。語柳館鶯來。作寓喚
雙鬟莫與。
阮亭云。情艷處。思入毫髮。
○魂共春絲。語何處。得來。

河傳

第二體

春閨

吳洪化

殘杏隔牆紅映烟雨濛濛輕輕雙燕剪東風泥融隔簾櫳呢
喃欲共佳人語隨花舞故惹空閨妬落英啣塵書梁前微薦調
戲暮春天

閨怨

吳玉麟

菱鏡和身斷並並綠啼紅兩人心事一人同相逢玉光中
新來識得腰身瘦羶恨久欲笑無時候偷人千拜世尊前無言心
香誰與傳

二詞徵婉在李
公二家父子間

醉花陰

端午飲清溪閣上

俞彥

倚聲初集

卷八 小令

誰○振○靈○均○湘○水○上○節○物○多○惆○悵○痛○飲○讀○離○騷○杜○若○江○離○總○是○婁○
然○况○姊○歸○曾○整○行○春○仗○俯○仰○千○秋○狀○今○日○擬○招○魂○酒○侶○詩○朋○
醉○弄○清○溪○漲○
阮亭云光祿詞當
崇其本色佳處

春詞

焦源溥

紅○綴○繁○枝○顰○語○巧○弱○柳○和○烟○裊○玉○勒○漫○尋○芳○踏○遍○東○臯○滿○眼○青○
青○草○烟○岫○重○重○霞○氣○表○無○數○山○花○繞○古○寺○梵○音○深○曲○徑○疎○籬○
纔○信○郊○居○好○
豹人述中丞殉蜀難甚烈爲選小詞登之正如
陳了翁文信國諸公令讀者愛其寸幾殘壁也

擬艷

陳子龍

繡○幕○屏○山○紅○影○對○兩○點○愁○眉○黛○消○息○又○黃○昏○立○遍○蒼○苔○賺○得○心○
兒○悔○一○縷○博○山○庭○院○內○人○在○秋○千○背○夜○久○落○春○星○幾○陣○東○風○

殘月梨花碎。

阮亭云寫景布詞必不入南宋一字是此公獨絕

不寐

幾遍閒愁都過了。餘得三更少。轉覺碧澄澄。玉枕香綃相對銀缸小。任他憔悴傷懷抱。尚怕隣雞早。倘有夢來時。辜負多情一夜天涯繞。

當時求夢不曾。醒又進一解。

重陽和轅文作

李雯

絳紗愛把黃金縷。鬢影清香袖一晌。又重陽。滿目雲山不待人歸後。江天落雁垂垂久。好景知依舊。不是怨黃花。只爲離人誤得黃花瘦。

阮亭云簾捲面風又開生面

擬艷

朱徵璧

蔓惹梢頭花半吐。欄畔微微雨。一炷水沉香。六曲銀屏人在深處。
綠紗窗外春鶯語。密約防鸚鵡。無語暗消魂。翠幙珠樓橫鎖相思去。
刻意作驚艷語幾於目奪神搖○歌浦論宋詞品騰指數瑕瑜畢見論倡和諸集云子璧長于持論凡鑒別妍媸毫髮不爽諸公之作集中俱得備載獨載生詞缺如不能無隴蜀之望耳

擬艷

宋存標

香散飛花衣袖窄。浪浴雙鴛翼。明月愛隨人。一縷紅雲暗裏爭顏色。
獨立迴廊聞太息。夢裏曾相識。玉指映柔荑。欲折花枝睡起嬌無力。
月鮮雪膩更無匿彩

擬艷

宋徵輿

風。裊。繡。簾。雲。鬢。礙。一。半。輕。粧。退。玉。漏。山。花。開。羅。襪。無。聲。人。影。紗。
窗。背。酒。暖。春。酥。紅。入。黛。銀。燭。搖。仙。珮。和。露。洗。胭。脂。金。粉。全。消。
只。有。香。肌。在。

阮亭云古來宮闈佳麗自西子
梅精筆足當此者不過數人耳

重陽

黃。花。滿。座。香。清。畫。篆。字。閒。金。獸。病。裏。見。重。陽。一。段。深。秋。都。是。相。
思。透。暮。天。細。雨。廉。纖。後。月。色。寒。襟。袖。此。際。莫。登。高。慣。是。西。風。
吹。得。人。消。瘦。

此詞數瘦字使趙明誠能
爲之必無不如詞女之恨

閨詞

張龍文

未。解。工。書。欣。染。翰。纖。手。薔。薇。浣。倦。繡。苦。春。深。學。寫。鴛。鴦。畝。軟。難。
成。半。蓉。箋。展。向。闌。干。畔。却。被。郎。偷。看。佯。笑。捲。珠。簾。唾。向。紅。窗。

惱殺鶯聲喚

善寫閨中強作解事情景○掌霖黛審一集與皓幾不可句讀因刪潤此首存之

卽事

賀裳

柳花飛處分鸞恨。一向無音信。馬識舊遊踪。行過門前佇立。渾

忘進

金籠鸚鵡呼聲近。名姓猶相認。侍女乍傳言。剗鞦相迎

不待撩雙鬢

僕有偶贈詩云能言青鳥時傳信熟識烏龍不避人頗與相似附記于此○天士爲余言黃公

少時風流側儻在青溪桃葉園大有佳遇此等詞入之北里青樓志中猶令讀者想十四樓中風調也

擬艷

錢穀

紅靨輕雲生百媚。皓腕添微翠。移步出迴廊。池上花深兩兩鴛

鴦睡

芙蓉帳底沉香細。捲起偷垂淚。風日做殘春。不管傷心

蝶粉朝朝退

一作字便覺悽婉不待其詞之畢矣

和漱玉詞

王士禛

香閨小院閒清晝。屈戌交銅獸。幾日怯輕寒。簫局香濃不覺春。
先透。韶光轉。眠梅花後。又催裁羅袖。最怕日初長。生受鶯花。
打疊人消瘦。有生受打疊四字
此幾透不減前押

睡起

沈謙

霧障雲屏春睡重。玉枕烟鬟。擁何處。曉鶯啼翠黛輕揚。又覺星
眸動。粉痕狼籍。燕支凍。強起心煩冗。對鏡懶梳頭。日上紗窗。
猶是思殘夢。去聲諸詞率從屯田待制兩家浸淫而出言情
濃至不欲多留餘秘意得處直欲據秦黃之壘

人日

計南陽

昨夜輕雷花外轉。玳瑁床猶暖。五日雨兼風。極目平蕪一望如

新剪含章點額。今朝滿注口櫻桃。淺天上不風流。誤得紅顏
日日珠簾捲。求三語不必解索理。會自然百諷不厭。

和韓文重九作

盧元昌

暮雲靄靄高樓閉。客整看花騎。莫遣到南陵。一片江山慣賺登
高淚。青帘十里誰家肆。笑解金龜寄。回首漫消魂。不是西風
誰把黃花醉。

阮亭云令人
憶岷山風景

語花

董以寧

露沁香心花中酒。月下低垂首。掩映綠樽中。弱質離披如向風
前抖。美人笑把花枝嗅。欲與花爲友。情自向花言。不解相思
何事如奴瘦。

阮亭云文友善慕閨閣
遂爲詞家開幾許生面

新柳

戈元穎

片雨弄愁愁未了。柳眼窺春蚤。深處未鴛來。弱影絲絲翠入晴。
江小。鵝黃半怯。烟光曉。剪出東風巧。借問馬頭人。長短亭前。
留得青多少。

賦物雅潔。勝川修之金蘭包春玉蛾翻雪也。

晚過石橋

黃京

一片孤村烟霧重。薄暮寒雲凍。策騎下溪橋。零落芙蓉。剩有衰
紅擁。乍涼天氣歸鴉悶。問路行還恐。樵舍間。魚簪曲曲層層。
蕭瑟西風動。

五十字中酸風曠野讀者如展北風圖

重九

鄒祇謨

西風側側催衣袖。涼日猶長晝。把酒賸茱萸。休說重陽。晡過愁。

時候。年年愁到還依舊。人落登高後。情願一年中。分半清明。

一樣平消瘦。

阮亭云漱玉詞三昧

南歌子

第三體

一名南柯子

望秦川

風蝶令

春月

陳子龍

淡淡花梢去融融。翠影流碧天無際。迥含愁。留得一庭春露上。

簾鉤。風軟飛紅。靜烟深嫩綠。收爲誰相送。海西頭。應有玉簫

吹斷鳳凰樓。

如此咏月那數珠斗。珊瑚銀河清淺也。

冬曉

李雯

霜痕隨碧。殘素縵斷銀餅。香消翠被五更清。慣是獨眠人起見。

壺冰。亂雲粘指。凍凍。暖筆畫眉輕。菱花寒湛遠山青。記得常年

攜手近窗櫺。

御眠人起一語寒氣逼人香墜中鏤冰畫風手

西湖同妓夜汎

曹爾堪

鏡展嬌如雪。衫輕却受風。薄陰偏覺鬢絲濃。獨喜清秋無暑畫船空。頻勸杯中綠。微添酒後紅。銀箏一曲手玲瓏。見有檀痕低指印。酥胸。

傾卷作艷詞如王謝子弟提塵尾自有俊致

閨情

吳綺

銀甲調新火。珠簾捲曉霞。辟寒初着杏兒紗。正是惱人時節不歸家。鶯坐渾身柳。蜂歸兩股花。一絃春怨語琵琶。昨夜鴛鴦買卦又須差。

風流婉逸故在秦七柳七間

憶餘杭

聽新聲垂淚

鄒祇謨

待把愁推愁未捨。慣聽陽關。渾不解。搖搖薇帳夢春風。一餉畫屏東。綺魂飛度梁州裏。何處淒涼。忽提起。鴛尖怕記隴西腔。珠袖界殘粧。

阮亭云程邈作諸僻調能安頓拗折處使之轉旋從我法又無一字粗俗真削猴刻鵠之技也

望江東

贈金陵領姬

范文光

作眉如作蘭。與字筆影偏饒。香味多材多趣。兼多藝。十載江南名士。到門詞客俱懷刺。宛與良朋相似。圖書鐘鼎俱環伺。難記起風流事。
姬工詩能書善作蘭。每對客揮毫頃刻立就。又能高談驚四座。凡文人墨客之聚。必姬與俱。而姬亦雅意自託。思與諸才人伍。每有文酒會。必流連不肯去。故吾黨益重之。每當含毫伸紙。其眼光鬚影與筆墨之氣兩相浮

動今年年廿有六而得名已十年姬又阮亭云此種風流
好樓居諸友爭詠之故有肩樓集行世乃是名下不虛

贈金陵馬姬曉寒

花月名家楊柳樹猶見舊時行處談茶說酒眉兒聚多是深閨
情緒金錢常把良人卜但恐少年耽誤誰人修得鴛鴦福好

把春風拾去

姬與女喬俱湘蘭裔也而姬君姊行余與女喬既
已日成而姬更從中調護曾謂余云世間惟情字

最說不盡姬蓋
深于情者也

鴛鴦福故自難修情字說不盡大爲透語
仲間有情有福令人想見杜書記平安時

春憾

李元組

一幅春光明更美鶯滿院啼花碎飛絮落紅相點綴人立在秋
千背長思短憶俱憔悴只有花前淚已將心事隨流水闌

干下金釵墜

居然片
玉風味

迎春樂

歸來

宗元鼎

歸來後不覺春光少。只剩得殘紅杪。海棠玉葉俱開了。結幾個青梅小。最堪恨蜂狂蝶惱。又催得朱顏人老。誰把韶華拖轉作少年懷抱。

似漁樵笛譜中語人不堪聞何況僕哉

尋芳草

別恨

夏復

幾陣杜鵑啼。却在那杏花深處。小禽兒喚得人歸去。喚不得愁歸去。離別又深春。最恨也多情。飛絮恨柳綿繫得人愁。在繫不得。愁人任。
有句法有章法善得骨次剝換之妙

索筆

任繩隗

多少青鏤筆。賦不就。一堦紅葉更楓林。到處增詩秩。媚難工。陶家荻。紅袖寫烏絲。那更比酒顛散髮。待無聊。幻作書空咄。沒憑據。相思快。

書空移作問。咏咄咄怪事。

暮春約程邨郊遊

宗元鼎

這幾日春去。且買棹與君留任。酒帘兒遠掛垂楊渡。隋堤上花如霧。菴管已消魂。那堪唱江南玉樹。一聲聲賺得東風暮。天有情。天回顧。太虛云閣損人天。不管魯直云好殺。人天不管。天如知道。和天也瘦。又那肯回顧也。阮亭云。小令耳景語。情語致語。已無不具。與程邨長調可稱瑜亮。天若有情。天亦老。生出如許慧思。

答索筆

鄒祇謨

應學春花格。寄一本茂猗小帖。道銀鈎釵股。休輕缺衛夫人。今
傳說。便薄首孔肩。更莫把管城。輕襲寄相思。付庭中桐葉歸
來。後痕如漆。楊升菴壽內詞。措肩薄首夫。人書法。稽心羊體。仙子琴才。

探春令

上元雨

陳子龍

寒梅香斷滿簾風。庭院春無主。火微紅。明滅紗窗裏。知有玉人
低語。年時花月相逢處。隔小橋幾許。想今宵獨剔銀燈。和淚
多了。黃昏雨。措意。每令人迴想。

本意

陳世祥

桃花樹上。午鶯眠。日影撩人倦。把花枝移上。闌干裏。被侍婢和

簾卷 石泉烹雪雲痕淺。看春花成片。幾多時。墻角樓頭楊柳。

樹樹都垂線。
眼前語却能
作意寫出

玉團兒

教鸚鵡語

鄒祇謨

雪衣伶俐。烏衣拙。囑紅襟寄書莫缺。獨向金籠粉郎。言語和伊
細述。八哥教煞聲終。鳩費經年一番剪舌。長鎖銀環。鎮餐松
子。叨叨再說。
阮亭云直敘
中白見風致

雨中花
第一體

旅望

李長蘅

挽住垂楊繫馬。幾上歌樓還下一帶雲山。千層烟水。花落江南。

也。縱是落花人莫打。留得春光盈把。柰檀板濃陰流鶯易老。

誰爲多情者。

促柱繁絃
凄然欲絕

采石磯懷古

陳世祥

千里滔滔冰雪。送過幾多豪傑。送到如今英雄已盡。怒浪都空。設。醉向長江呼短楫。恰好當頭明月。頻首浪排空。熱酒澆來。

滴滴英雄血。

阮亭云。試歌之。妙高臺上。坡公有靈。必當起舞。○怒浪都空。設此坡公浪淘語尤狠。

索花

任繩隗

姊妹貪歡鬪草。愛此青青未了。學佩宜男偷九益母。欲語羞年小。惟有長堤花線繞。是夜合初臨曉。倩歡手。攜來親藏枕篋。只爲名兒好。

與夜來姪殺花枝合一。搯碎一
親藏總寫香奩人無聊瑣屑處。

題襄陽署壁

董以寧

案上新詩幾種。窗外輕烟一捧。午後濃陰白雲駘。蕩遮得山無
縫。小摘草花聊作供。不比江南春仲。看紅紫全稀。燕處荒巢
猶做雕梁夢。

秀澈處又似畫。疎翁

答索花

鄒祇謨

二月春光未老。枝上紅顏猶好。薄命桃花斷腸棠。盡欲寄疑卿
惱。窗外落紅閒不掃。留伴膽瓶人悄。好向綠雲邊。簪殘置案
香氣猶繚繞。

阮亭云惜思極曲

青門引

烹茗

趙進美

繡帶柔風揭。試碾碧旗春。屑芭蕉陰碎。月微明。松脂聲細。玉蕊
浮香雪。銀床夜冷。銅壺咽露濕。雙鬟怯一枝。釵影斜動。愁峯
暗被金甌洩。鳳洲暗送春風意。麟洲早碾破。愁腸萬縷。咏茶
已極。清麗黃門。又從釵影欲動時。看出何等閒。
細前人亦便寫不到也。

木蘭花 第一體

楊花

陳子龍

雨初晴。風驟起。漠漠一天雲。墮水真似夢也。無愁撩亂春心。何
日止。耐纏綿。空徙倚。此去誰家金屋裏。翠蕩漾。莫沾泥爲儂。
留却輕狂矣。大樽咏楊花。不一調。無意求新總無一字沾惹舊人處。

村居初夏

陳世祥

喚提壺催布穀。新筍初抽。香軟軟支午倦。向迴廊靜裏。一聲風
啄玉。戲投竿閒。濯足一對鴛鴦。無事浴斜日暮。起漁歌。晚雲
收盡。天如沐。

有別趣

醉紅妝

一名醉紅樓

又雙雁兒

咏螢

陳子龍

空庭星露暗。香消冷熒熒。烟外飄一簾涼影。點清宵。明還滅。弄
花稍。多情飛上翠雲翹。倩他照晚粧。嬌更喜。玉纖輕拂下。偏
不見。落紅綃。

咏螢

宋徵輿

碧空飄墜小流星。正黃昏。月未生。背人飛去也。分明疎林外。倚

身輕。憐他顏色照他行。怕。紙。扇。不。多。情。夢。斷。隋。家。宮。柳。外。秋。

露冷曉風清。二詞音節冷冷自
有照卷點衣之致

紅窗聽

易朱絃作新搽

鄒祗謨

撚斷水。蛩金鴨。燼頻惆悵。鷺膠濡盡針帖。重翻尋絳縷。向繡窗

搖絮。雁柱輕勾調鳳軫。一般。是。紅。箏。錦。瑟。落。霞。聲。近。冶。郎。何。

處。彈。與。思。歸。引。
阮亭云竹肉之間

望遠行 第一體

人目

陳子龍

曉日深沉。畫閣眠銀剪。閒閒半圓小。屏風上。又新年。綺羅香。觀

落金釧。思往事，恨絲絲。怕說梅粧柳烟，裁成華勝，寄誰邊。

春常是淚花前。

每於準然處
獨標神彩

怨王孫一名王孫怨

和漱玉詞

王士禛

畫閣清悄，情思懊惱。旅雁生秋哀。蛩侵曉，葉底漸減蕉紅。怯西風。鶯花步步，郎行處，將夢去，歡儂。恐相負，樓頭望斷，千里思，化縈雲，遠隨君。

縈雲見一種情呢處惟
漢者次梗劇手能之

上林春令

晏起

鄒祗謨

輕暖輕寒，春仲熨香風。紅樓惹夢，泥人繡被，多情遮翠幙。不教

留空金衣向午爭花開。暈斜紅。膩雲綠重。風過日影那移。問雙鬟。曉寒何重。
斜紅繞臉。古粧也。簡文詩云。阮亭云。當是。分粧開淺。靨繞臉。傳斜紅。衍波箋上語。

河傳 第三體

秋夜寓鷺峯禪院

董以寧

月小。雲繞。烟絲如裊。銀灣如曉。點蘭缸。理書床。人情月光驚宿鳥。憐此夜。傳梅信。杳闌中。少空寄文無草。擲離觴。煮媚香。他

鄉衾寒覺夜長。
風致。冷然。

河傳 第四體

錦帆用孫光憲韻

宗元鼎

絲。飄。綵。縷。穿霞引霧。關情落絮。凭闌遙看吳女。風舞停帆。傳暮

鼓。三千殿脚。歌香土。風流王。月斷江南渡。寫紅箋。好懷牽新。

篇歌聲湖上傳

錫帝有望江南咏湖上月等詞八闋

河傳水調本隋皇甫幸之曲梅岑卽川大業遺事咏

之妹爲香荷但調本錯落更首首用花間韻微覺艷思不展張玉田云詞不可強和人韻斯言亦是一解

河傳第五體

春雨

周積賢

春雨春雨。落花做草。捲霧成烟。謝娘鸞鏡。損朱顏。終年自生憐。

又見雙鴻飛上苑。音信短。斜日紗窗晚。蕭郎不寄。葉珠箋。楚

天夜。寒空捲簾。

鍊珠中音調鏗然。其年數爲子言壽王奇才也。觀其與弟書云十五歲作賦。又一年作

騷。去歲不復作。直以所長在此。故慎自愛。見聞不足。恐小用之耳。此言真能知詞賦甘苦者。孝章之年。不永爲之嘆息。

河傳第六體

春閨

鄒祇謨

繡幃深處夜深私語。襯月銀雲洗花玉。雨雨餘遙指青虹美人。
虹。沉沉春夢和烟繞。相思草。隔。相思鳥。重簾垂下博山白。
蕤香魚美人魚。阮亭云錦帶書中有此珍艷

河傳 第七體

宮辭

鄒祇謨

新街花史藥欄烟。重花枝。嬌倚戲拋紅豆打鶯兒。笑指犀奩占。
喜子。影入青銅紅窈窕。爐烟繞。望斷羊車悄。玉魚涼。繡鴛藏。

宮裝塵生金縷箱

自記云河傳一體錯落不同詩餘圖譜分爲十二體似矣但此體上段末句與第三

體第七句俱應七字中隔兩字用韻余於第五句中藏一韻做顛覆惜整海棠簾外影之意庶幾微合耳

河傳 第八體

閨怨

吳玉麟

信風廿四時光九十欄干十二爲無情。落有情。天氣步搖拈。
不起。狂風惡雨心窩裏。花謝矣。春去人偏喜。畫樓高。歸路遙。
無聊孤雲一片消。

阮亭云此警書
家金錯刀法也

河傳 第九體

美人圖

儲福疇

清曉風小。落紅片片。胭脂不掃。金蟲寶髻早梳頭。嬌羞。新粧懶。
上樓。剪剪澄眸宜遠盼。淒清慣坐。撥薰籠。焰翠鈿。疎眉靨多。
輕羅寒。娟着柳拖。

自然
勝引

杏花天

送春前一日湖上泛舟即事

用史邦卿韻

龔鼎孳

紫蘭香重。圍青粉。倩柳線彈開酒暈。明蟾却與珠樓近。行到紅

橋又隱。湖山放浩歌狂飲。呆宋玉逢花懶問。春風不帶羅衫

恨。明日流鶯欲盡。
阮亭云公卿作詞云不耐啼鶯吟暖脈之也流鶯欲盡又何其與流鶯有情

樓脂

思香院落蓮釘扣。看結陣都梁香透。濃絲飛玉。春風守圍定。蓉

屏粉袖。搓花瓣。做成清晝度。一刻翻愁不。又今生誓作當門。

柳。睡軟粧樓左右。

阮亭云西樵詩云自憐不及圓。中月解照盧家玳瑁梁。與中丞作柳心情同一無賴

愁

王國瑛

一江綠水流難去。無數青山遮不住。夢魂欲識相思路。爭奈風
風雨雨。病來時。鳳琴誰訴。酒醒後。鶯空誤。小樓倚遍闌干
處。數盡朝朝暮暮。

阮亭云已
近自然

憶夢

董以寧

雲眠月醉青山卧。把好夢。背他偷做。杏菱方欲雙題和。忽被寒
濤鼓破。奈來夢。心情猶可到。夢後凄凉怎過。呼奴好伴挑燈
坐。今夜夢來須躲。

善子翻案○阮亭云
補清遠道人所未及

雨中花 第二體

秋別

單恂

秋影一江烟漠漠。又三兩斷鴻依約。殘髻慵扶。行囊替整。拾起

衫衣錯。淚眼添潮潮轉惡。怎特地淺沙船閣。行線能牽蘆綿。
肯肯還。盼征帆落。
古詩願作石尤風四面斷行
旅豈太億慙此更宛轉可憐

風情

王士禎

料峭東風吹細雨。作使得春愁無主。昨日清明今朝百五。漸漸
春光去。巨勝花前曾記遇。難忘却碧挑千樹。擁髻燈前偷香
被底。一一銷魂語。
巨勝句川
勝讀申魏
劉阮事
請小記

幼小

董以寧

幼小米將情字省。偶向著養娘問。問道有游郎。曾投香帕不識。
他因恁。見得養娘微一哂。却半晌低頭自忖。再記遊郎重看。
香帕滿面都紅沁。

阮亭云此養娘教壞司馬君
實家僕心文友可與講學

臨江仙 第一體

夏日

陳世祥

庭陰日午長無事。被郎央及。檮蒲枝枝打着教人輪拋。殷不語。
扯裙裾。郎愁又把。人央及。這回不比當初。一盤贏得便歡娛。
賄郎新織藕絲襦。曲寫
憨態

紅窗睡

夏閨

陳維崧

記得年時面藥唇珠。齒替舫偷消長夏。睡痕一縷。薔薇下。捉迷。
藏耍者。半疊紅箋。難道假如。今怎花開花落。將人拋舍。玉郎。
一去又看看秋也。阮亭云已
逼元曲

護花燈

鄒祗謨

簡點紅缸繚繞香。是翡翠裏不教花睡。非雲非月非霞處。花與燈俱醉。莫被東風容易祟。只數點金枝絳萼。夜光相配銀泥。

雙袖障蘭膏一會。

阮亭云非花非霞如其妙麗

摘紅英

一名撿芳詞

蚤春

李鄂

潮頭白峰頭碧。落梅香暗。漁翁笠。西風透。東風驟。待得晴明。鶯花時候。鶯聲澁。花聲寂。春來已。蠟看山。屐山如舊。春如繡。層樓望處。蒼寒紅瘦。

酷似張翥惜花詞